

# Rop bilong diwai gat posin

Senior Anzu i raitim


WARA bilong rop bilong wampela diwai ken rausim ol binatang we i save bagarapim ol kaikai.

Rises bilong Nesenel Agrikalsa Rises Institut (NARI) i soim olsem rop bilong diwai ol i kolim Derris i gat posin ol i kolim Rotenone we i nap long kilim i dai planti kain binatang olsem bitol na katapila we i save kaikai a bagarapim ol diwai.

NARI opisa Bokossou i tok Rotenone i wampela gutpela marasin we i nap wok gut sapos i yusim gut na em i ken go long ol gaden kaikai, diwai bilong prut na kakau.

Derris em wampela rop diwai wantaim longpela lip wantaim ol liklik pink o wait flawa na i save gro klostu long wara.

Planti man i save yusim olsem posin rop bilong kilim pis bilong wanem posin bilong em i save kilim ol pis taim ol i tromoi insait long



**POSIN ROP:** Wara bilong dispela diwai i gat strong long rausim ol binatang i save bagarapim ol kaikai.

wara. Derris i save gro long ol haphap yu katim long bikpela bilong em na i save gro wantaim.

Ol man husat i laik planim long gaden i mekim na noken wari long sanapim stik long sapotim em.

Larim em i silip long graun bai mekim em i kamapim planti rop i go insait long graun.

Long kisim gutpela rop long mekim i nap Rotenone long kilim ol binatang, bikpela bilong rop i mas olsem ol pensol bilong rait o liklik hap stik.

Long kisim dispela marasin, ol i save memeim dispela rop wantaim liklik wara na sop i nap ol liklik rop insait i kamaut.

Ol i miksim dispela na

lusim i strap wampela nait long wetim dispela marasin i kamaut long rop.

Ol i save kisim wara na kapsaitim i go insait long laplap long rausim ol pipia na wara i go long wasim ol kaikai long kilim ol binatang.

Long kilim olgeta samting, yu mas wasim ol gaden kaikai i nap olgeta lip bilong ol i wet.

Yu mas putim marasin long ol gaden kaikai o diwai long moning, avinun tru o taim i nogat bikpela san na ples i kol bilong wanem sapos ples i hat bai em i ken bagarapim kaikai bilong yu.

Em i ken kilim ol binatang i nap olsem wan wik tasol ol fama i mas i mas 5-pela de

bihain bipo long ol i ken kisim ol kaikai bilong ol.

Derris Rotenone em i wampela bilong kilim ol binatang we NARI i tok orait long en long ol fama long PNG i ken yusim.

Wara bilong lombo, Neem diwai na pairitrum tu i ken mekim wankain wok long ol binatang.

Husat i laik save moa long dispela samting i ken i go lukim ol lain long NARI.

Rises bilong painim aut long dispela marasin we German Developmen sevis i sapatim na NARI i kamapim aninit long "Wet-Lowlands Islands program bilong en long Kerevat long is Niu Briten Provins.

## projek

long dispela projek. n mipela i tok tenkyu long n bilong Australia na Nu long givim mipela sapat helpim mipela i kamapim p na sindaun, mipela i tu gavman bilong yumi givim helpim long sait lojistik o ol samting olsem a ol samting moa